

欽定宋史

卷之六十一
九五八

宋史卷八十五

元中書右丞相總裁脫脫等修

地理志第三十八

地理一

京城路
京東路

京畿路
京西路

唐室既衰五季迭興五十餘年更易八姓寓縣分裂莫之能一宋太祖受周禪初有州百一十一縣六百三十八戶九十六萬七千三百五十三建隆四年取荆南得州府三

江陵府
歸峽

縣一十七戶一十四萬二千三百平湖

南得州一十五監一

潭衡邵郴道永全岳澧
朗蔚辰錦溪攸桂陽監

縣六十六

戶九萬七千三百八十八乾德三年平蜀得州府四十

六益彭眉嘉邛蜀綿漢資簡梓遂黎雅陵戎瀘維茂昌

涪黔施達洋興元府縣一百九十八戶五十三萬四千三十九開

寶四年平廣南得州六十廣韶湖循封端英連雄龔惠

桂賀昭梧蒙恭象富融宜柳嚴思唐邕澄貴蠻橫實欽

潯容牢白廉黨繡鬱林藤寶義禺順瓊崖僭萬萬安振

縣二百一十四戶一十七萬二百六十三八年平江南

得州一十九軍三昇宣歙池洪潤常鄂筠饒信虔吉縣

一百八戶六十五萬五千六十五計其末年凡有州二

百九十七縣一千八十六戶三百九萬五百四太宗太

平興國三年陳洪進獻地得州二漳縣十四戶十五萬

一千九百七十八錢俶入朝得州十三軍一杭蘇越湖

衢婺合明

溫秀睦福處衣錦

縣八十六戶五十五萬六千八百八十四年平太

原得州十軍一

并汾嵐憲祈代遼沁隆石寶興

縣四十戶三萬五千二

百二十五年李繼捧來朝得州四

夏銀綬宥雍熙元年復以四州授繼捧自

後不復預職方縣八

雍熙中天下上閏年圖州府軍監幾於四百

至是天下旣一疆

理幾復漢唐之舊其未入職方氏者唯燕雲十六州而

已至道三年分天下爲十五路天聖析爲十八元豐又

析爲二十三曰京東東西曰京西南北曰河北東西曰

永興曰秦鳳曰河東曰淮南東西曰兩浙曰江南東西

曰荆湖南北曰成都曰梓利夔曰福建曰廣南東西東

南際海西盡巴夔

北極三關東西六千四百八十五

里南北萬一千六百二十里崇寧四年復置京畿路大
觀元年別置黔南路三年并黔南入廣西以廣西黔南
爲名四年仍舊爲廣南西路當是時天下有戶二千八
十八萬二千二百五十八口四千六百七十三萬四千
七百八十四天下主客戶自至道末四百一十三萬一
千五百七十六天禧五年主戶六百三萬
九千三百三十一客戶不預焉至嘉祐八年主戶二千
二百四十六萬二千五百三十一口二千六百四十二
萬一千六百五十一至治平三年天下主客戶一千四
百一十八萬一千四百八十六口二千五十萬六千九
百八十熙寧十年戶一千四百二十四萬五千二百七
十口三千八十萬七千二百一十一元祐元年戶一千七
百九十五萬七千九百一十二口四千七萬二千六百六
聖元年戶一千九百一十二萬九百二十一戶四千二
百五十六萬六千一百四十三元符三年戶一千九百
九十六萬八百一十二口四千四百九十一萬四千九

百九十一崇寧元年戶二千二十六萬四千三百七口
四千五百三十二萬四千一百五十四各府州下戶口
與總數少異姑爾存之視西漢盛時蓋有加焉隋唐疆理雖廣而

戶口皆有所不及迨宣和四年又置燕山府及雲中府
路天下分路二十六京府四府三十州二百五十四監
六十三縣一千二百三十四可謂極盛矣大抵宋有天
下三百餘年繇建隆初訖治平末一百四年州郡沿革
無大增損熙寧始務闢土而种諤先取綏州韓絳繼取
銀州王韶取熙河章惇取懿洽謝景溫取徽誠熊本取
南平郭逵取廣源最後李憲取蘭州沈括取葭蘆米脂
浮圖安疆等砦雖嘗以河東邊界七百里地與遼人當

時王安石議蓋曰吾將取之寧姑與之也迨元祐更張
葭蘆等四砦給賜夏人而分畫久不能定紹聖遂罷分

畫督諸路各乘勢攻討進築自三年秋八月訖元符二

年冬凡陝西河東建州一

安西軍二

晉寧

關三

龍平會

城

九

安西平夏威戎興平定邊威羌金湯白豹會川

砦二十八

平羌平戎殄羌暖泉米脂克戎安疆

橫山絳遠寧羌靈平高平西平新泉盪羌通峽天都臨羌定戎龕谷太和通秦寧河彌川寧遠神泉烏龍堡

十

開光通塞石門通會大和通泰寧河彌川寧川三交

又取青唐

鄯邈川

寧塞

廓

龍支

宗哥

等城建中靖國悉還吐蕃故壤稍紓民力崇

寧亟變前議專以紹述爲事蔡京始任童貫王厚更取

湟鄯廓三州二十餘壘陶節夫鍾傅邢恕胡宗回曾孝

序之徒又相與鑿空駕虛馳騫於元符封域之表訖於

重和既立靖夏

經

制戎

鄭

制羌

西

三城雖夏人浸衰而

民力亦弊西事甫定北釁旋起蓋自崇寧以來益梓夔

黔廣西荆湖南北迭相視効斥大土宇靡有寧歲凡所

建州軍關城砦堡紛然莫可勝紀厥後建燕山雲中兩

路粗閱三歲禍變旋作中原板蕩故府淪沒職方所記

漫不可攷高宗蒼黃渡江駐蹕吳會中原陝右盡入于

金東畫長淮西割商秦之半以散關爲界其所存者兩

浙兩淮江東西湖南北西蜀福建廣東廣西十五路而

已有戶一千三百六十六萬九千六百八十四

此寧宗嘉定十

一年

建國左江又百五十年迨德祐丙子遂併歸于我

數
皇元版圖而天下始復合爲一焉今據元豐所定併京畿爲二十四路首之以京師重帝都也終之以燕雲以其旣得而旋失故附見于後而凡四京之城闕宮室及南渡行在之所其可考者冠乎篇首爲地理志云

東京汴之開封也梁爲東都後唐罷晉復爲東京宋因周之舊爲都建隆三年廣皇城東北隅命有司畫洛陽宮殿按圖修之皇居始壯麗矣雍熙三年欲廣宮城詔殿前指揮使劉延翰等經度之以居民多不欲徙遂罷宮城周迴五里南三門中曰乾元

宋初依梁晉之舊名曰明德太平興國三

年改丹鳳大中祥符八年改正陽明
道二年改宣德雍熙元年改今名
東曰左掖西曰右

掖東西面門曰東華西華
舊名寬仁神獸開寶三年改
今名熙寧十年又改東華門

北曰北一門曰拱宸
舊名玄武大中祥符五年改今名
熙寧十年改門內西橫門曰臨華

乾元門內正南門曰大慶東西橫門曰左右升龍左右

北門內各二門曰左右長慶
熙寧間改左右長慶
隔門曰左右嘉肅左右

銀臺東華門內一門曰左承天祥符
乾德六年賜名大
中祥符元年正月

天書降其上詔加祥
符二字而增葺之西華門內一門曰右承天

門內道北門曰宣祐
舊名光天大中祥符八年
改大寧明道元年改今名正南門

內正殿曰大慶東西門曰左右太和
宋初曰日華月華
大中祥符八年改

今正衙殿曰文德
宋初曰文明雍熙元年改今
名熙寧間改南門曰端禮兩掖門

曰東西上閣東西門曰左右嘉福宋初曰左右勤政明道元年十月改今名

大慶殿舊名崇元乾德四年重修改曰乾元太平興國九年改朝元大中祥符八年改天安明道三年

改今北有紫宸殿舊名崇德明道元年改視朝之前殿也西有垂

拱殿舊名長春明道元年改常日視朝之所也次西有皇儀殿開寶

四年賜名滋福明道元年十月改又次西有集英殿舊名廣政開寶三年曰大明淳化間

日含光大中祥符八年名會慶明道元年十月改今名宴殿也殿後有需雲殿舊名

玉華後改瓊華熙寧初改今名東有昇平樓舊名紫雲明道元年改宮中觀宴之

所也宮後有崇政殿舊名簡賢講武太平興國二年改今名熙寧間改北橫門曰通極

闕事之所也殿後有景福殿西有殿北向曰延和便坐

殿也大中祥符七年建後苑東門泊北向便殿成賜名宣和門承明殿明道元年改端明二年改今名

凡殿有門者皆隨殿名宮中又有延慶

舊名萬歲大中祥符七年改

安福觀文

舊名集聖明道二年改肅儀慶歷八年改今名

清景慶雲玉京等殿

壽寧堂

清淨明道元年改

延春閣

舊名萬春寶元元年改

福寧殿

即延慶明道元

年改東西有門曰左右昭慶觀文殿西門曰延真其東真

君殿曰積慶前建感真閣又有龍圖閣下有資政崇和

宣德述古四殿天章閣下有羣玉藻珠二殿後有寶文

閣

即壽昌閣慶曆元年改

閣東西有嘉德延康二殿前有景輝門

後苑東門曰寧陽

即宣和門明道元年改

苑內有崇聖殿太清樓

其西又有宜聖化成

即玉宸殿明道元年改

金華西涼清心等殿

翔鸞儀鳳二閣華景翠芳瑤津三亭延福宮有穆清殿

延慶殿北有柔儀殿

初有殿無名章獻太后名曰崇徽明道元年改寶慈景祐二年改今

名崇徽殿北有欽明殿

舊名太和明道元年改觀文延又改清居治平三年改今名延

福宮北有廣聖宮

天聖三年建名長寧景祐二年改

內有太清玉清沖

和集福會祥五殿建流盃殿於後苑

明道元年八月修文德殿成是夜禁

中火延熳崇德長春滋福會慶延慶崇徽天和承明八殿命宰相呂夷簡為修葺大內使樞密副使楊崇勳副

之發京東西河北淮南江東西路工匠給役內出乘輿物左藏庫易緡錢二十萬助其費以故改諸殿名又

有慈德殿

楊太后所居景祐元年賜名

觀稼殿

在後苑觀種稻景祐二年創建

延義

閣

在崇政殿內

通英閣

在崇政殿西南蓋侍臣講讀之所也與延義閣景祐三年賜名

隆儒

殿

通英閣後小殿皇祐三年始賜名

慈壽殿

皇太后所居治平元年賜名

慶壽宮保

慈宮

熙寧二年建

玉華殿

在後苑

基春殿

熙寧七年建在玉華殿後

睿思殿

八年 承極殿 元豐三年建 崇慶隆祐二宮 元祐二年建 睿成宮 神宗

所居東宮 紹聖二年賜名 宣和殿 在睿思殿後 紹聖二年四月殿成

瓊芳前曰重熙 後曰環碧 元符三年廢 崇寧初 復作大觀 三年歲宗製記刻石實蔡京爲之 聖瑞宮

皇太妃所居 顯謨閣 元符元年建 藏神宗御集建中 玉

虛殿 元符初建 玉華閣 大觀初建 在 親蠶宮 政和元年建 燕寧殿

在延福北 奉安仁宗 延福宮 政和三年春新作於大內

慈聖光獻皇后御容 延福宮 北拱辰門外 舊宮在後苑

之西南 今其地乃百司供應之所 凡內酒坊 裁造院 酒

醋 柴炭 鞍轡 等庫 悉移他處 又遷兩僧寺 兩軍營 而作

新宮焉 始南向 殿因宮名 曰延福 次曰藁珠 有亭曰碧

琅玕 其東門曰晨暉 其西門曰麗澤 宮左復列三位 其

殿則有穆清 成平 會寧 睿謨 凝和 崑玉 羣玉 其東閣則

有蕙馥 報瓊 蟠桃 春錦 疊瓊 芬芳 麗玉 寒香 拂雲 偃蓋

翠葆 鉛英 雲錦 蘭熏 摘金 其西閣有繁英 雪香 披芳 鉛

華 瓊華 文綺 絳萼 穠華 綠綺 瑤碧 清陰 秋香 叢玉 扶玉

乾隆四年校刊

絳雲會寧之北疊石爲山山上有殿曰翠微旁爲二亭曰雲巋曰層巋疑和之次閣曰明春其高踰三百一十尺閣之側爲殿二曰玉英曰玉澗其背附城築土植杏名曰杏岡覆茅爲亭脩竹萬竿引流其下宮之右爲佐二閣曰宴春廣十有二丈舞臺四列山亭三峙鑿圓池爲海跨海爲二亭架石梁以升山亭曰飛華橫度之四
百丈有奇縱數之二百六十有七尺又疏泉爲湖湖中作隄以接亭隄中作梁以通湖梁之上又爲茅亭鶴莊鹿砦孔翠諸柵蹄尾動數千嘉花名木類聚區別由勝宛若生成西抵麗澤不類塵境初蔡京命童貫楊戩賈詳藍從熙何訢等分任宮役五人者因各爲制度不務沿襲故號延福五位東西配大內南北稍劣其東直景龍門西抵天波門宮東西二橫門皆視禁門法所謂晨暉麗澤者也而晨暉門出入最多其後又跨舊城修築號延福第六位跨城之外浚濠深者水三尺東景龍門橋西天波門橋二橋之下疊石爲固引舟相通而橋上人物外自通行不覺也名曰景龍江其後又闢之東過景龍門至封丘門○景龍江北有龍德宮初元符三年以懿親宅潛邸爲之及作景龍江江夾岸皆奇花珍木殿宇比比對峙中塗曰壺春堂絕岸至龍德宮其地歲

時次第展拓後盡都城一隅焉名曰擷芳園山水美秀
林麓暢茂樓觀參差猶良嶽延福也宮在舊城因附見

此保和殿

政和三年四月作九月殿成總為屋七十五間

玉清神霄宮

政和三年建舊

名玉清和陽在福寧殿東七年改今名

上清寶籙宮

政和五年作在景龍門東對景輝門既又

作仁濟輔正二亭於宮前命道士施民符藥徽宗時登
皇城下視之又開景龍門城上作複道通寶籙宮以便

齋醮之路徽宗數從複道上往來是年十二月始張
燈於景龍門上下名曰預賞其明年乃有期門之事萬

歲山良嶽

政和七年始於上清寶籙宮之東作萬歲山
山周十餘里其最高一峯九十步上有介亭

分東西二嶺直接南山山之東有萼綠華堂有書館八
仙館紫石巖棲真澄覽秀軒龍吟堂山之南則壽山兩

峯並峙有鴈池隤隤亭北直絳霄樓山之西有藥寮有
西莊有巢雲亭有白龍泝濯龍峽蟠秀練光跨雲亭羅

漢巖又西有萬松嶺嶺畔有倚翠樓上下設兩閣閣下
有平地鑿大方沼沼中作兩洲東為蘆渚亭曰浮陽西

為梅渚亭曰雪浪西流為鳳池東出為鴈池中分二館
東曰流碧西曰環山有閣曰巢鳳堂曰三秀東池後有

揮雪亭復由磴道上至介亭亭左復有亭曰極目曰蕭
森右復有亭曰麗雲半山北俯景龍江引江之上流注
山澗西行爲漱瓊軒又行石間爲煉丹凝真觀園山亭
下視江際見高陽酒肆及清澗閣北岸有勝筠庵躡雲
臺蕭閒館飛岑亭支流別爲山莊爲回溪又於南山之
外爲小山橫亘二里曰芙蓉城窮極巧妙而景龍江外
則諸館舍尤精其北又因瑤華宮火取其地作大池名
曰曲江池中有堂曰蓬壺東盡封丘門而止其西則自
天波門橋引水直西殆半里江乃折南又折北折南者
過閭闔門爲複道通茂德帝姬宅折北者四五里屬之
龍德宮宣和四年徽宗自爲艮嶽記以爲山在國之艮
故名艮嶽蔡條謂初名鳳凰山後神降其詩有艮嶽排
空霄因改名艮嶽宣和六年詔以金芝產于艮嶽之萬
壽峯又改名壽嶽蔡條謂南山成又改名壽嶽嶽之正
門名曰陽華故亦號陽華宮自政和訖靖康積累十餘
年四方花竹奇石悉聚于斯樓臺亭館雖畧如前所記
而月增日益殆不可以數計宣和五年朱勔於太湖取
石高廣數丈載以大舟挽以千夫鑿河斷橋毀堰拆碑
數月乃至賜號昭功敷慶神運石是年初得燕地故也
勔緣此授節度使大抵羣閭興築不肯已徽宗晚歲患